

VIRO
NOBILISSIMO,
AMPLISSIMO & CONSVLTISSIMO,
DOMINO



JACOBO



MEISNERO

INCL. REIPVBL. THORVN. CONSULI
SENIORI,
ET AERAR. PVBL. PRÆF. PRIMAR.
GRAVISSIMO,

Iam quoque


FELICI OMINE NOVITER DESIGNATO

SCHOLARCHAE

OBLATIVEL HONORIS VEL ONERIS ERGO,
SERO QVIDEM SED SERIO

*Omni cum animi observantia
gratulari volebant*

GYMN. THORVN. CIVES.



THORVNII,

Impressit Ioh. Nicolai NOBIL, SENAT. & GYMN. Typogr.

6. 228



Abante mundo, quid validas tamen
Aeternae urbes, quid decus afferat
Perenne, consecretque fastis,
Dicite Castalides Sorores!
Num, si minantur mœnia sideri,
Altaeque turres si caput arduis
Vel nubibus condunt, profundo
Vel pelago sua saxa mersant:
Num forte, si Mauortia robora
Stant agminatim, tēgora vertere
Ignara, quin portas & ipsos
Inficiant clypeos cruore:
Vel, si redundant mercibus Indicis
Cellae, & capaci conditur horreo,
Quae verritur campis Canopi
Alma Ceres, Libyaeque arenis:
Haec illa sunt, quae urbes adamantinas,
Et gloriarum reddere adoreas
Possint in ævum, ne repente
Secula destituant cadentes?
Errat, beatas dicere sustinet
Qui civitates, quod vel Apollinis
Vel dextera Martis locatae,
Arcibus & similes Gigantum
Pulsare tendunt sidera vertice.
Atqui nec Argi, nec Semiramidis
Moles supersunt: non Athenae,
Non Ephesi, aut bimaris Corinthi
Muri perennant. Busta Asiae iacent
Disiecta passim, & magna cadavera
Karthaginis Numantiaeque
Nomen inane manent sepultae.

Maio-

*Maiores sunt, quibus Copia, Faustitas,
Et Fama perpes oppida inambulat:
Astraea, circumspecta Virtus,
Religio superis amica.
Facunda Pallas si socias manus
Iungat deabus, splendidius nihil
Aut celsius surget, nec ulla
Fulmina nec metuent ruinas.
Sic urbs Quirini crevit, & imperi
Enorme corpus rexit, ut ordine
Porrecta maiestas Eo
Cardine & Hesperio cubaret.
Thorona quondam sic caput extulit,
Secura fati quando Opulentia,
Permista regnantum favore,
Luxuriare dedit nepotes.
Felix adhuc dum, servat & asserit
Priscos honores, viribus ingeni
Evecta, Mercurique alumna
Ruderibus mediis virescit.
Cernis, coruscis CVRIA gemmulis
Quantis nitescat! quot micet ignibus
ARA & pyropis! quot LYCEVM
Nobile fideribus cale scat!
Pridem refulsit sidereum iubar,
ROESNERVS, extans orbe Borussidos:
At Praesidem nuper Senatus
ZERNIKIVM statuit modestum,
Postquam Scholarchae munera sedulus
Implevit: huic dextro auspicio datus,
MEISNERE, Successor recenti
Lumine conspicuum Lyceum*

Clara-

Clarabis, Io! macte Tuis bonis
Thorona! gaude praesidio novo
Parnasse! nam docti & fauentes
Vsque Patres capient sub umbram
Musarum alumnos, Phosphorus additus
Soli micanti, pellet adextima
Caliginem, saeva exulatum
Barbaries properanter ibit.
Plures sequentur tempore, quos parat
Coniuncta fasces Gloria **CONSVLI:**
Iam Sella adornatur curulis,
Iam Tibi **R E X** apicem reponit.
Nempe ut suomet se diademate
Aurata Virtus vinciat, ac sua
Contenta maiestate perpes
Erigat ipsa sibi tropaeum;
Vestigat illam sed tamen undique
Honos latentem, ne lateat sibi:
Hanc ambit in vitam, modesti
Quam fugiunt trabeam Quirites,
Nunc ergo laetae currite candidis
Horae quadrigis! currite secula,
Magnoque felices **SCHOLARCHÆ**
Secula deperate menses!
Innube semper rebus in arduis
Pectus coruscet: quo capitis sacra
Ab arce prospectare Verum,
Nec liceat fluitare in undis.
At vos lubentes colla Scholarchicis
Musa lupatis subdite! sit ratum,
Qui dat sibi leges, vicissim
Hic poterit dare iura mundo.

os(O)sm